

PRAVILA NAGRADNE IGRE

„Jesen u Ivani“

Član 1.

Organizator nagradne igre

Priređivač nagradne igre „Jesen u Ivani“ u daljem tekstu: **Organizator**, jeste privredno društvo: **Gemex d.o.o.**, sa sjedištem u Sarajevo, u ulici Hadži Idrizova 8, Općina Centar, JIB: 4202699280000, e-mail adresa: info@gemex.ba, web-stranica: gemex.ba.

Član 2.

Naziv nagradne igre

Naziv nagradne igre je:

„Jesen u Ivani“

Član 3.

Trajanje

1. Nagradna igra traje od **10.09.2026. godine u 7:00** do **01.11.2026. godine u 18:00**.

Član 4.

Teritorija

1. Nagradna igra organizuje se na teritoriji Federacije Bosne i Hercegovine, u prodajnom objektu Gemex d.o.o. na sljedećoj lokaciji: Moj Dućan Ivana – Zenica, Marjanovića put 70.

Član 5.

Svrha nagradne igre

1. Nagradna igra priređuje se u svrhu promocije proizvoda, prodajnog asortimana i usluga Organizatora, unapređenja prodaje i nagrađivanja kupaca.

Član 6.

Dodatne uplate

1. Učesnicima se za učestvovanje u nagradnoj igri ne naplaćuje posebna naknada niti se od njih zahtijeva bilo kakva dodatna uplata, osim kupovine proizvoda pod uslovima iz člana 8. ovih Pravila.

Član 7.

Obavještenje u štampi i društvenim mrežama

1. Organizator će, nakon dobijanja saglasnosti Federalnog ministarstva finansija, a prije početka nagradne igre, objaviti ova Pravila u najmanje jednim dnevnim novinama dostupnim na teritoriji Federacije Bosne i Hercegovine, uz navođenje broja i datuma Rješenja Federalnog ministarstva finansija.
2. Integralni tekst Pravila bit će tokom trajanja igre dostupan:
 - a. u prodajnim objektima Organizatora;
 - b. na web-stranici gemex.ba;
 - c. na <https://facebook.com/gemexdoo/>
 - d. na https://instagram.com/gemex_doo/

Član 8.

Uslovi učestvovanja

1. Pravo učestvovanja imaju fizička lica koja u periodu trajanja nagradne igre, u prodajnom objektu Moj dućan Ivana Zenica , obave kupovinu u vrijednosti od 50,00 KM ili više, iskazanu na jednom fiskalnom računu.
2. Iznosi sa dva ili više fiskalnih računa ne mogu se sabirati radi ostvarivanja prava na prijavu.
3. Svaki originalni fiskalni račun u iznosu od najmanje 50,00 KM predstavlja jednu prijavu, bez obzira na ukupan iznos računa.
4. Jedno lice može učestvovati više puta, pod uslovom da za svaku prijavu posjeduje poseban, važeći fiskalni račun u iznosu od najmanje 50,00 KM.
5. Za učestvovanje je potrebno da učesnik:
 - a) na poledini originalnog fiskalnog računa čitko upiše ime i prezime i broj telefona;
 - b) račun ubaci u označenu nagradnu kutiju u prodajnom objektu Organizatora;
 - c) račun ubaci najkasnije do isteka roka za prijave određenog ovim Pravilima.
6. Učesnik je odgovoran za tačnost i čitljivost podataka. Prijava sa nepotpunim, nečitkim, netačnim ili očigledno neistinitim podacima može biti proglašena nevažećom.
7. Nevažećim se smatraju:
 - kopirani, prepravljani, oštećeni ili falsifikovani računi;
 - računi izdati izvan perioda trajanja nagradne igre;
 - računi čiji je iznos manji od 50,00 KM;
 - računi koji ne potiču iz prodajnih objekata uključenih u nagradnu igru;
 - računi koji se odnose na storniranu ili vraćenu kupovinu;

- više puta prijavljen isti fiskalni račun.
- 8. U nagradnoj igri ne mogu učestvovati zaposleni, članovi uprave, vlasnici i druga angažovana lica Organizatora, članovi Komisije za izvlačenje, kao ni članovi njihove uže porodice: bračni ili vanbračni partneri, roditelji, djeca, braća i sestre.
- 9. Učestvovanjem u nagradnoj igri učesnik potvrđuje da je upoznat s ovim Pravilima i da ih prihvata.

Član 9.

Izvlačenja

1. Tokom trajanja nagradne igre Organizator će provesti sedmična javna izvlačenja nagrada polklon bona u vrijednosti 50 KM.
2. Sedmična izvlačenja održat će se prema sljedećem rasporedu:

Kolo	Rok za ubacivanje računa u kutiju	Datum i vrijeme izvlačenja	Mjesto izvlačenja
Prvo sedmično izvlačenje	28.09.2026, 17:30	28.09.2026 u 18:00	Marjanovića put 70, Zenica
Drugo sedmično izvlačenje	05.10.2026, 17:30	05.10.2026 u 18:00	Marjanovića put 70, Zenica
Treće sedmično izvlačenje	12.10.2026, 17:30	12.10.2026 u 18:00	Marjanovića put 70, Zenica
Četvrto sedmično izvlačenje	19.10.2026, 17:30	19.10.2026 u 18:00	Marjanovića put 70, Zenica
Peto sedmično izvlačenje	26.10.2026. , 17:30	26.10.2026. u 18:00	Marjanovića put 70, Zenica

3. U pojedinačno sedmično izvlačenje ulaze sve važeće prijave primljene do roka navedenog za to izvlačenje.
4. Dobitnici sedmičnih nagrada i njihove prijave ostaju u konkurenciji za glavno izvlačenje.
5. Za svaku sedmičnu nagradu izvlači se jedan dobitnik i dva alternativna dobitnika, prema redoslijedu kojim su izvučeni.

Član 10.
Finalno izvlačenje i način izbora dobitnika

1. Finalno javno izvlačenje održat će se **01.11.2026. godine u 18:30**, na adresi Marjanovića put br 70.
2. Izvlačenje je javno i provodi se u prisustvu Komisije za izvlačenje.
3. Dobitnici će biti izabrani metodom slučajnog izvlačenja fiskalnog računa.
4. Za svaku glavnu nagradu posebno se izvlači jedan dobitnik i dva alternativna dobitnika.
5. Nagrade se izvlače redoslijedom kojim su navedene u članu 13. ovih Pravila.
6. Jedan učesnik može osvojiti više nagrada.

Član 11.
Alternativni dobitnici

1. Alternativni dobitnik stiče pravo na nagradu ako:
 - prvobitno izvučena prijava ne ispunjava uslove;
 - su podaci na prijavi netačni, nepotpuni ili nečitki;
 - prvobitnog dobitnika nije moguće obavijestiti u roku od osam dana;
 - prvobitni dobitnik odbije nagradu prije njenog uručjenja;
 - se utvrdi da prvobitni dobitnik nema pravo učestvovanja.
2. Redoslijed izvučenih dobitnika i alternativa, evidentira se u zapisniku Komisije.

Član 12.
Komisija za izvlačenje

1. Regularnost svih sedmičnih i finalnog izvlačenja nadgledat će Komisija od najmanje tri člana, koju Organizator imenuje posebnom odlukom.
2. Komisiju čine:
 1. Arnela Bibić, računovođa – predsjednik Komisije;
 2. Dženana Džambo, Rukovodilac PJ Moj Dućan Sarajevo – član;
 3. Arnela Hadžibegović Rukovodilac PJ Moj Dućan Zenica – član.
3. Komisija će o svakom izvlačenju sačiniti zapisnik koji najmanje sadrži:
 - mjesto, datum, vrijeme i način izvlačenja;
 - broj važećih i nevažećih prijava;
 - broj i datum Rješenja Federalnog ministarstva finansija;
 - datum i naziv medija u kojem su Pravila objavljena;
 - imena i prezimena članova Komisije;
 - podatke o izvučenim dobitnicima;
 - naziv, količinu i vrijednost nagrade svakog dobitnika;

Član 13.
Nagradni fond

1. Nagradni fond sastoji se isključivo od proizvoda. Nagrade se dodjeljuju u sljedećoj količini i vrijednosti:

Redni broj	NAGRADE	Pojedinačna vrijednost s PDV-om (KM)	Količina	Ukupna vrijednost s PDV-om (KM)
1	PlayStation 5 Slim Digital Edition E chasis	1349,90	1	1349,90
2	Pametni Sat Xiaomi Redmi Watch Active Black	69,90	1	69,90
3	Bluetooth slušalice Phillips TAH4209WT- over ear, bijele	69,90	1	69,90
4	Sedmična nagrada: Bon 50KM	50	2	100
5	Sedmična nagrada: Bon 50KM	50	2	100
6	Sedmična nagrada: Bon 50KM	50	2	100
7	Sedmična nagrada: Bon 50KM	50	2	100
8	Sedmična nagrada: Bon 50KM	50	2	100
9			Ukupni fond:	1989,70 KM

2. Nagrade se ne mogu zamijeniti za novac, druge proizvode ili usluge.
3. Dobitnik nema pravo zahtijevati drugu nagradu niti razliku između tržišne vrijednosti nagrade i eventualno niže cijene po kojoj se isti ili sličan proizvod može nabaviti.
4. Organizator garantuje da će osigurati sve nagrade navedene u ovom članu i stvoriti preduslove za izvlačenje i dodjelu cjelokupnog nagradnog fonda.
5. Poklon bon se može iskoristiti u roku od 30 dana od dana preuzimanja, u poslovnoj jedinici „Moj Dućan - Ivana“, na adresi Marjanovića put 70, Zenica.

Član 14.
Obavješćavanje i objavljivanje rezultata

1. Organizator će dobitnike obavijestiti telefonskim pozivom na broj naveden na fiskalnom računu, najkasnije **u roku od osam dana od dana izvlačenja**.
2. Organizator će pokušati kontaktirati dobitnika najmanje tri puta tokom tri različita dana unutar roka od osam dana.

3. Ako kontakt sa izvučenim glavnim dobitnikom nije moguće ostvariti **u gore navedenom roku** zbog netačnog, nepostojećeg ili nedostupnog broja telefona navedenog na prijavnom računu, Organizator će kontaktirati **alternativnog dobitnika**, izvučenog na isti način kao i osnovni dobitnik.
4. Ukoliko ni sa alternativnim dobitnikom nije moguće ostvariti kontakt u roku od 8 dana, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.
5. U slučaju da je dobitnik uredno obaviješten o osvojenoj nagradi, rok za preuzimanje nagrade iznosi **30 dana od dana prijema obavijesti**, u skladu sa važećim Pravilnikom.
6. Rezultati izvlačenja bit će objavljeni na web-stranici: gemex.ba, društvenim mrežama: na <https://facebook.com/gemexdoo/>, https://instagram.com/gemex_doo/ , Moj Dućan Ivana Marjanovića put 70, najkasnije u roku od osam dana od izvlačenja.
7. Bez posebne saglasnosti dobitnika, u objavi rezultata navest će se samo:
 - jedinstveni redni broj prijave ili broj fiskalnog računa u djelimično maskiranom obliku;
 - naziv osvojene nagrade;
 - datum izvlačenja.
8. Ime, prezime, fotografija, videozapis ili drugi lični podaci dobitnika mogu biti javno objavljeni samo na osnovu njegove prethodne, posebne i izričite saglasnosti.

Član 15.

Mjesto preuzimanje nagrada

1. Dobitnici nagrade preuzimaju lično na adresi: **Gemex d.o.o., Moj Dućan Ivana, Marjanovića put 70**, u radnom vremenu od 7:00 do 21:00.

Član 16.

Rok preuzimanja nagrade

1. Dobitnik je dužan preuzeti nagradu u roku od 30 dana od dana prijema obavijesti.
2. Prilikom preuzimanja dobitnik je dužan omogućiti provjeru podataka sa prijave te potpisati izjavu ili potvrdu o preuzimanju nagrade.
3. Ako je dobitnik maloljetno lice, nagradu u njegovo ime preuzima roditelj ili zakonski staratelj, uz predočenje odgovarajućih dokaza o roditeljskom ili starateljskom statusu.
4. Ako uredno obaviješteni dobitnik ne preuzme nagradu u roku, nakon 30 dana, Organizator postupi po članu 11. Pravilnika. Organizator će s nepodijeljenom nagradom postupiti u skladu s članom 11. Pravilnika o sadržaju pravila, uslovima i načinu priređivanja nagradnih igara.

Član 17.

Obračun poreza

1. Porez na dohodak koji eventualno nastane po osnovu osvojene nagrade obračunat će se u skladu s važećim propisima Zakona o porezu na dohodak F BiH. Obavezu plaćanja poreza snosi **Organizator**.
2. Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama u vezi sa preuzimanjem osvojenih nagrada.
3. Organizator ne preuzima nikakvu odgovornost za bilo kakvu štetu koja bi eventualno nastala nakon preuzimanja ili korištenjem proizvoda iz nagradnog fonda.
Prilikom preuzimanja nagrade, dobitnik je dužan potpisati izjavu o preuzimanju nagrade, kojom potvrđuje da je nagradu preuzeo.
4. U svim slučajevima koji nisu posebno uređeni ovim Pravilima, Organizator će postupati u skladu sa Zakonom o igrama na sreću i Pravilnikom o sadržaju pravila, uslovima i načinu priređivanja nagradnih igara, kao i drugim važećim propisima Federacije Bosne i Hercegovine.

Član 18.

Izmjena, prekid ili otkazivanje nagradne igre

1. Pravila se ne mogu mijenjati nakon početka nagradne igre.
2. Izuzetno, Pravila mogu biti izmijenjena zbog opravdanih razloga ili više sile, isključivo nakon dobijanja saglasnosti Federalnog ministarstva finansija.
3. Višom silom smatraju se vanredne okolnosti koje Organizator nije mogao predvidjeti, izbjeći ili otkloniti.
4. U slučaju izmjene pravila, prekida ili otkazivanja nagradne igre Organizator će, uz prethodnu saglasnost Federalno ministarstvo finansija, obavijestiti učesnike na isti način na koji su objavljena prvobitna Pravila.
5. Ako nagradni fond nakon završetka nagradne igre ne bude podijeljen na način predviđen ovim Pravilima, Organizator će s nepodijeljenim nagradama postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara, uključujući prodaju nepodijeljenog nagradnog fonda i uplatu ostvarenih sredstava na propisane račune humanitarnih organizacija.

Član 19.

Obrada i zaštita ličnih podataka

1. Voditelj obrade ličnih podataka je Gemex d.o.o., Hadži Idrizova br 8 kontakt info@gemex.ba
2. Organizator prikuplja sljedeće podatke: ime i prezime; broj telefona; podatke o fiskalnom računu; te podatke potrebne za identifikaciju i uručenje nagrade, ako učesnik postane dobitnik.

3. Podaci se obrađuju isključivo radi evidentiranja prijave; provođenja izvlačenja; provjere ispunjenosti uslova; kontaktiranja dobitnika; dodjele i evidentiranja preuzimanja nagrada; te ispunjavanja poreznih, računovodstvenih i zakonskih obaveza.
4. Lični podaci neće se koristiti za druge marketinške svrhe bez posebne saglasnosti učesnika.
5. Podaci dobitnika mogu biti dostavljeni dostavnoj službi, računovodstvu, poreznim organima ili drugim nadležnim licima isključivo u obimu potrebnom za dostavu nagrade i ispunjavanje zakonskih obaveza.
6. Organizator će podatke čuvati samo onoliko dugo koliko je potrebno za potpunu realizaciju nagradne igre i ispunjavanje obaveznih zakonskih rokova, nakon čega će ih sigurno uništiti.
7. Organizator će poduzeti odgovarajuće organizacione i tehničke mjere kako bi zaštitio nagradne kutije, fiskalne račune i digitalnu evidenciju od neovlaštenog pristupa, gubitka, izmjene ili zloupotrebe.
8. Učesnik može povući saglasnost za obradu podataka pisanim zahtjevom na adresu ili e-mail Organizatora. Povlačenje saglasnosti prije završetka nagradne igre ima za posljedicu nemogućnost daljnjeg učešća.
9. Učesnik je odgovoran za davanje tačnih i ažurnih ličnih podataka.
10. Organizator će sa svim prikupljenim podacima u provođenju ove nagradne igre postupiti u skladu sa Zakonom o zaštiti ličnih podataka BiH.

Član 20.

Prigovori i nadležnost suda

1. Sve prigovore, reklamacije i zahtjeve u vezi s nagradnom igrom rješava Organizator.
2. Prigovor se dostavlja u pisanom obliku na adresu Gemex d.o.o., Hadži Idrizova br. 8, ili na mail: info@gemex.ba, uz navođenje imena, prezimena, broja telefona i razloga prigovora.
3. Organizator će na prigovor odgovoriti u roku od 15 dana od prijema urednog prigovora.
4. Organizator i učesnik nastojat će eventualne sporove riješiti sporazumno.
5. Ako spor nije moguće riješiti sporazumno, za njegovo rješavanje nadležan je stvarno i mjesno nadležni sud u skladu s važećim propisima.

Član 21.

Završne odredbe

1. Ova Pravila primjenjuju se nakon dobijanja saglasnosti Federalnog ministarstva finansija i njihove objave na način propisan važećim propisima.
2. U pitanjima koja nisu uređena ovim Pravilima primjenjuju se Zakon o igrama na sreću, Pravilnik o sadržaju pravila, uslovima i načinu priređivanja nagradnih igara, propisi o porezu na dohodak, kao i drugi važeći propisi.
3. Učešćem u nagradnoj igri učesnici prihvataju ova Pravila, pri čemu odluke Organizatora moraju biti donesene u skladu s Pravilima i važećim propisima.

Mjesto i datum: Sarajevo, 07.08.2026.

Broj protokola: 508/26

GEMEX d.o.o.



Safet Terović, direktor

